

von Wulf Wager

Störende Abgeordnete



Anne Will - i net. I guck mir des salbunglose Geseiere am Sonntag Abend nemme a. Koinr hört em andera zua, jeder schreit nei. Was isch'n des für a Benehma? Hemmr komplett vrlernt, wie ma sich andere geganiibr vrhält? Wia sollat do onsere Jonge no A'stand ond Reschpekt vor de andere ond Andersdenkende lerna, wenn scho onsere Politiker, dia mir mit ma Haufa

Geld drfir zahlat, bloß mit Worthülsa om sich schmeißat ond koi andere Moinong gelda lassat.

Scheint's isch es halt so. Denn au em Bundestag kennat die Abgeordnete koi a'ständig's Benehma. Mr hört dem der schwätzt, nemme zua ond schreit oifach nei. Des stört! Es stört au, wemmr die Würde vom Bundestag dodurch vrletzt, dass mr T-Shirt mit pseudo-politische Aussaga oder Transparente em Plenarsaal zur Schau stellt, wie des etliche Abgeordnete von de LINKE letscht Jahr doa hend. Zom Glick send dia Hobby-Kommunishta net en onsern Landtag komma. Aber wer woiß, wia's näggschd Jahr wird?

Wega dene Störer hot dr Bundestagspräsident Lammert Strofa eig'führt. 1000,- Euro für 's erschte Mol störa ond 2000,- Euro für 's zwoite Mol.

Also des stört mi jetzt garnet, wenn die Politiker amol bei sich selber abkassierat. Dia schiabat sowieso viel z' viel ei.

Manchmol denk i so fir mi, dass es garnet des Vrhalta von de Bundestagsabgeordnete isch was stört, sondern vielmeh störet mi manche Bundestagsabgeordnete an sich...

Bis näggschd Woch´

Ihr

Alle Kolumnen zum Nachlesen: www.woascht.de